

影印
文淵閣

四庫全書

影印

文淵閣四庫全書

第一三四八冊

北京出版集團公司
北京出版社

本冊目次

樂府詩集(二)	歲時雜詠	嚴陵集	南嶽倡酬集	附錄
---------	------	-----	-------	----

宋 郭茂倩輯……………一	宋 蒲積中編……………二〇七	宋 董 弅編……………五二三	宋 朱 熹等撰……………六〇七
--------------	----------------	----------------	-----------------

欽定四庫全書

集部
樂府詩集卷七十六至八十八

詳校官庶吉士臣柳邁祖

助教臣常猶覆勘

總校官知縣臣繆琪

校對官編修臣秦瀛

謄錄監生臣孫承基

欽定四庫全書

樂府詩集卷七十六

雜曲歌辭

宋 郭茂倩 輯

攜手曲

沈約

攜手曲梁沈約所制也樂府解題曰攜手曲言攜手行樂恐芳時不畱君恩將歇也捨轡下雕輅更衣奉玉牀聯轡映秋水開鏡比春妝所

欽定四庫全書

樂府詩集卷七十六

畏紅顏促君恩不可長鵲冠且容喬豈吝桂枝亡

同前

吳均

豔喬陽之春攜手清洛濱雞鳴上林苑薄暮小平津長裾藻白日廣袖帶芳塵故交一如此新知詎憶人

同前

王娥

攜手共惜芳菲節鸞啼錦花滿城關行樂逶迤念容色色衰祇恐君恩歇鳳笙龍管白日陰盈虧自感青天月

邯鄲行

陸厥

通典曰邯鄲戰國時趙國所都自敬侯始

都之有叢臺洪波臺在焉邯山名鄲盡也

樂府廣題曰邯鄲舞曲也

趙女振鳴琴邯鄲紛躡步長袖曳三街兼金輕一顧有

美獨臨風佳人在遐路相思欲塞社叢臺日已暮

邯鄲歌

梁武帝

回顧灞陵上北指邯鄲道短衣妾不傷南山為君老

大垂手

吳均

欽定四庫全書

樂府詩集
卷七十六

二

樂府解題曰大垂手小垂手皆言舞而垂

其手也隋江總婦病行曰夫婿府中趨誰

能大垂手是也又獨搖手亦與此同

垂手忽迢迢飛燕掌中嬌羅衫恣風引輕帶任情搖詎

似長沙地促舞不回腰

同前

聶夷中

金刀剪輕雲盤用黃金縷裝束趙飛燕教來掌上舞舞

罷飛燕死片片隨風去

小垂手

吳均

舞女出西秦蹀影舞陽春且復小垂手廣袖拂紅塵折

腰應兩笛頓足轉雙巾蛾眉與慢臉見此空愁人

夜夜曲二首

沈約

夜夜曲梁沈約所作也梁樂府解題曰夜

夜曲傷獨處也

北斗闌干去夜夜心獨傷月輝橫射枕燈光半隱牀

河漢縱復橫北斗橫復直星漢空如此寧知心有憶孤

欽定四庫全書

樂府詩集
卷七十六

三

燈暖不明寒機曉猶織零淚向誰道雞鳴徒歎息

同前

梁簡文帝

靄靄夜中霜河開向曉光枕啼嘗帶粉身眠不著牀蘭

膏盡更益薰鑪滅復香但問愁多少便知夜短長

同前

王偃

愁人夜獨傷滅燭卧蘭房祗恐多情月旋來照妾牀

同前

北斗星移銀漢低班姬愁思鳳城西青槐陌上人行絕

明月樓前烏夜啼

同前

僧貫休

蟋蟀切切風騷騷芙蓉噴香蟾蜍高孤燈耿耿征婦勞
更深撲落金錯刀

秋夜長

王融

魏文帝詩曰漫漫秋夜長烈烈北風涼展
轉不能寐披衣起彷徨彷徨已久白露
沾我裳俯視清水波仰看明月光又曰草

欽定四庫全書

樂府詩集
卷七十六

蟲鳴何悲孤雁獨南翔鬱鬱多悲思絲絲

思故鄉秋夜長其取諸此

秋夜長夜長樂未央舞袖拂花燭歌聲繞鳳梁

同前

王勃

秋夜長殊未央月明白露澄清光層城綺閣遙相望遙
相望川無梁北風受節南雁翔崇蘭委質時菊芳鳴環
曳履出長廊為君秋夜擣衣裳織羅對鳳凰丹綺雙鴛
鴦調砧亂杵思自傷思自傷征夫萬里戍他鄉鶴闌音

信斷龍門道路長所在天一方寒衣徒自香

同前

張籍

秋天如水夜未央天漢東西月色光愁人不寐畏枕席
暗蟲唧唧遠我傍荒城為村無更聲起看北斗天未明
白露滿田風裊裊千聲萬聲鷓鴣鳴

秋夜曲二首

王建

天清漏長霜泊泊蘭綠收榮桂膏涸高樓雲鬢弄嬋娟
古瑟暗斷秋風弦玉關遙隔萬里道金刀不剪雙淚泉

欽定四庫全書

樂府詩集
卷七十六

香囊火死香氣少向惟合眼何時曉

一作向誰眠
問何時曉

城烏

作營啼野月秦州少婦生離別

秋燈向壁掩洞房良人此夜直明光天河悠悠漏水長

南樓北斗兩相當

同前二首

王維

丁丁漏水夜何長漫漫輕雲露月光秋聲闇蟲通夕響
寒衣未寄莫飛霜

桂魄初生秋露微輕羅已薄未更衣銀箏夜久殷勤弄

心怯空房不忍歸

夜坐吟

鮑照

夜坐吟鮑照所作也其辭曰冬夜沉沉夜

坐吟言聽歌逐音因音託意也宗夫又有

遙夜吟則言永夜獨吟憂思未歇與此不

同

冬夜沉沉夜坐吟含情一作聲未發已知心霜入幕風度

林朱燈滅朱顏尋體君歌逐君音不貴聲貴意深

欽定四庫全書

樂府詩集
卷七十六

同前

李白

冬夜夜寒覺夜長沉沉久坐坐北堂冰合井泉月入閨

青釭凝一作金釭一作青凝明照悲啼青一作金釭滅啼轉多掩妾淚

聽君歌歌有聲妾有情情聲合兩無違一語不入意從

君萬曲梁塵飛

同前

李賀

踏踏馬頭一作蹄誰見過眼看北斗直天河西風羅幕生

翠波鉛華笑妾顰青蛾為君起唱一作舞長相思簾外嚴

霜昏倒飛明星爛爛東方陸紅霞稍出東南涯陸郎去

矣乘班駟

遙夜吟

宗夫

遙夜復遙夜遙夜憂未歇坐對風動帷卧見雲間月

寒夜怨

陶弘景

樂府解題曰晉陸機獨寒吟云雪夜遠思

君寒牕獨不寐但叙相思之意爾陶弘景

有寒夜怨梁簡文帝有獨處愁亦皆類此

欽定四庫全書

樂府詩集
卷七十六

夜雲生夜鴻驚悽切嘹唳傷夜情空山霜滿高煙平鉛

華沈照帳孤明寒日微寒風緊愁心絕愁淚盡情人不

勝怨思來誰能忍

寒夜吟

鮑溶

九衢金吾夜夜行上宮玉漏遙分明霜飈乘陰掃地起

旅鴻迷雪繞枕聲遠人歸夢既不成留家惜夜歡心發

羅幕畫堂深皎潔蘭烟對酒客幾人獸火揚光二三月

細腰楚姬絲竹間白苧長袖歌間間豈識苦寒損朱顏

獨處愁

梁簡文帝

司馬相如美人賦曰芳香郁烈黼帳高張
有女獨處宛然在牀乃歌曰獨處室兮廓
無依思佳人兮情傷悲獨處愁蓋取諸此
獨處恒多怨開幕試臨風彈碁鏡奩上傳粉高樓中自
君征馬去音信不曾通只恐金屏掩明年已復空

憂旦吟

張融

鳴琴當春夜春夜當鳴琴
琴人不及樂一作自不樂何似千

欽定四庫全書

樂府詩集
卷七十六

里心

雙婦吟

蕭摛

寒夜靜房櫳孤妾思偏叢悲生聚紺黛淚下浸妝紅
恨縈心裏含啼歸帳中會須明月落那忍見牀空

同聲歌

張衡

樂府解題曰同聲歌漢張衡所作也言婦
人自謂幸得充閨房願勉供婦職不離君
子思為莞簟在下以蔽匡牀衾裯在上以

護霜露縫綵枕席沒齒不忘焉以喻臣子

之事君也晉傅元何當行曰同聲自相應
同心自相知言結交相合其義亦同也

邂逅承際會得充君後房情好新交接恐慄若探湯不
才勉自竭賤妾職所當網繆主中饋奉禮助蒸嘗思為
苑弱席在下蔽匡牀願為羅衾幃在上衛風霜洒掃清
枕席艱芬以狄香重戶結金扁高下華燈光衣解中粉
御列圖陳枕張素女為我師儀態盈萬方衆夫所希見
欽定四庫全書

樂府詩集
卷七十六

九

天老教軒皇樂莫斯夜樂沒齒焉可忘

何當行

傅玄

同聲自相應同心自相知外合不由中雖固終必離管
鮒不世出結交安可為

定情詩

繁欽

樂府解題曰定情詩漢繁欽所作也言婦
人不能以禮從人而自相悅媚乃解衣服
玩好致之以結網繆之志若臂環致拳拳

指環致殷懃耳珠致區區香囊致扣扣跳
脫致契濶佩玉結恩情自以為志而期於
山隅山陽山西山北終而不答乃自傷悔
焉

我出東門遊邂逅承清塵思君即幽房侍寢執衣中時
無桑中契迫此路側人我即媚君妾君亦悅我願何以
致拳拳綰臂雙金環何以致慇懃約指一雙銀何以致
區區耳中雙明珠何以致叩叩香囊繫肘後何以致契

欽定四庫全書

卷七十六

十

潤繞腕雙跳脫何以結恩情佩玉綴羅纓何以結中心
素縷連雙針何以結相於金薄畫搔頭何以慰別離耳
後瑇瑁釵何以答懽悅執素三條裾何以結愁悲白絹
雙中衣與我期何所乃期東山隅日旰兮不至谷風吹
我襦遠望無所見涕泣起踟躕與我期何所乃期山南
陽日中兮不來飄風吹我裳道遙莫誰覩望君愁我腸
與我期何所乃期西山側日夕兮不來躑躅長歎息遠
望涼風至俯仰正衣服與我期何所乃期山北岑日暮

兮不來淒風吹我衿望君不能坐悲苦愁我心愛身以
何為惜我華色時中情既款款然後尅密期褰衣躡花
草謂君不我欺廁此醜陋質徙倚無所之自傷失所欲
淚下如連絲

定情篇

喬知之

共君結新婚歲寒必未卜相與遊春園各隨情所逐君
念菖蒲花妾感苦寒竹菖花多艷姿寒竹有貞葉此時
妾比君君心不如妾簪玉步河堤交關一援綠載鳬雁

欽定四庫全書

卷七十六

十一

將子遊鸞鸞從雙栖君念春光好妾向春光啼君時不
得意妾棄還金閨結關一一本同心悲懽何未齊怨明前
致辭願得中所悲人間丈夫易世路婦難為始經天月
照終若流星馳長信佳麗人失意非蛾眉廬江小史婦
非關織作遲本願長相對今已長相思復有遊宦子結
援從梁陳燕居崇三朝去來歷九春誓心妾終始蠶桑
奉所親歸願未克從黃金贈路人潔婦懷明義從汎河
之津于今千萬年誰當問水濱更憶倡家樓夫壻事封

侯去時思灼灼去罷心悠悠不憐妾歲晏千載隴西頭
以茲常惕惕百慮恒盈積由來共結襦幾人同匪石故
歲雕梁鷺雙去今來隻今日玉庭梅朝紅暮成碧碧榮
始芬敷黃葉已漸漉何用念芳春芳春有流易何用重
懽娛懽娛俄戚戚家本巫山陽歸去路何長叙言情未
盡採萊已盈筐桑日闕一字映物草色盈高岡下有碧流
水上有丹桂香桂枝不須折碧流清且潔贈君比芳菲
受惠常不減贈君淚潺湲相思無斷絕妾有秦家鏡寶
照影依依今日持為贈相識莫相違

欽定四庫全書

樂府詩集
卷七十六

十三

定情樂

施肩吾

敢嗟君不憐自是命不諧著破三條裾卻還雙股釵

合歡詩五首

楊方

樂府解題曰合歡詩晉楊方所作也言婦

人謂虎嘯風起龍躍雲浮磁石引針陽燧

改火皆以同聲相應同氣相求我與君情

亦猶形影宮商之不離也常願食共並根
穗飲共連理杯衣共雙絲絹寢共無縫裯
坐必接膝行必攜手如鳥同翼如魚比目
利斷金石密踰膠漆也

虎嘯谷風起龍躍雲景浮同聲好相應同氣自相求我
情與子親譬如影追軀食共同根穗飲共連理杯衣共
雙絲絹寢共無縫裯居願接膝坐行願攜手趨子靜我
不動子遊我不畱齊彼同翼鳥譬彼比目魚情至斷金

欽定四庫全書

樂府詩集
卷七十六

十三

石膠漆未為牢但願長無別合形作一軀生為併身物
死為同棺灰秦氏自言至我情不可儔

磁石引長針陽燧下炎烟宮商聲相和心同自相親我
情與子合亦如影追身寢共織成被絮共同功綿暑搖
比翼扇寒坐併肩氈子笑我必哂子感我無歡來與子
共迹去與子同塵齊彼蛩蛩獸舉動不相捐惟願長無
別合形作一身生有同室好死成併棺民徐氏自言至
我情不可陳

獨坐空室中愁有數千端悲響答愁歎哀淚應苦言彷徨四顧望白日入西山不覩佳人來但見飛鳥還飛鳥亦何樂夕宿自作羣

飛黃街長轡翼翼回輕輪俯涉淶水澗仰過九層山脩途曲且險秋草生兩邊黃華如沓金白花如散銀青敷羅翠采絳葩象赤雲爰有承露枝紫榮合素芬扶路重清藻布翹芳且鮮目為豔采回心為奇色旋撫心悼孤客俯仰還自憐踟躕向壁歎攬筆作此文

欽定四庫全書

樂府詩集
卷七十六

十四

南隣有奇樹承春挺素華豐翹被長條綠葉蔽朱柯因風吹微音芳氣入紫霞我心羨此木願徙著子家夕得遊其下朝得弄其葩爾根深且堅予宅淺且滲移植良無期欲息將如何

樂府詩集卷七十六

欽定四庫全書

樂府詩集卷七十七

宋 郭茂倩 輯

雜曲歌辭

春江行

梁簡文帝

唐郭元振曰春江巴女曲也

客行祇念路相爭渡京口誰知堤上人拭淚空搖手

春江曲

郭元振

欽定四庫全書

樂府詩集
卷七十七

一

江水春沈沈上有雙竹林竹葉壞水色郎亦壞人心

同前

張 籍

春江無雲潮水平蒲心出水見雛鳴長干夫婿愛遠行自染春衣縫已成妾身生長金陵側去年隨夫住江北春來未到父母家舟小風多渡不得欲辭舅姑先問人私向江頭祭水神

同前三首

張仲素

搖漾越江春相將看白蘋歸時不覺夜出浦月隨人

家寄征江岸征人幾歲遊不知潮水信每日到沙頭
乘曉南湖去參差疊浪橫前洲在何處霧裏雁嚶嚶

江上曲

謝朓

弋陽春草出踟躕日已暮蓮葉尚田田淇水不可渡願
子淹桂舟時同千里路千里既相許桂舟復容與江上
可采菱清歌共南楚

同前

李嘉祐

江上澹澹芙蓉花江口蛾眉獨浣沙可憐應是陽臺女

欽定四庫全書

樂府詩集
卷七十七

坐對鸕鷀嬌不語掩面羞看北地人回首忽作空山雨
蒼梧秋色不堪論千載依依帝子魂君看峰上斑斑竹
盡是湘妃泣淚痕

江臯曲

王融

林斷山更續洲盡江復開雲峰帝鄉起水源桐柏來

楊花曲

湯惠休

歲凝華結情宛轉風含思掩涕守春心折蘭還自遺江
南相思引多歎不成音黃鶴西北去銜我千里心深堤

下生草高城上入雲春人心生思思心長為君

桃花曲

梁簡文帝

但使新花豔得間美人簪何須論後實怨結子瑕心

同前

顧況

魏帝宮人舞鳳樓隋家天子泛龍舟王夜醉春眠晏
不覺桃花逐水流

映水曲

范靜妻沈氏

輕鬢學浮雲雙蛾擬初月水澄正落釵萍開理垂髮

欽定四庫全書

樂府詩集
卷七十七

登樓曲

范靜妻沈氏

憑高川陸近望遠阡陌多相思隔重嶺相憶限一作恨長

河

越城曲

別怨悽歌響離啼溼舞衣願假烏樓曲翻從南向飛

迎客曲

徐勉

絲管列舞席陳含聲未奏待嘉賓羅絲管舒舞席飲袖
嘿肩迎上客

送客曲

徐勉

袖綉紛聲委咽餘曲未終高駕別爵無算景已流空紆
長袖客不留

送歸曲

吳均

送子獨南歸攬衣空閤默關山晝欲暗河冰夜向寒驚
至他人鄉雁去還誰國寄子兩行書分明達濟北

還臺樂

陸瓊

蒲萄四時芳醇瑠璃千鍾信賓夜飲舞遲銷燭朝醒絃

欽定四庫全書

樂府詩集
卷七十七

促催人春風秋月恒好驩醉日月言新

芙蓉花

辛德源

洛神挺凝素文君拂豔紅麗質徒相比鮮彩兩難同光
臨照波日香隨出岸風涉江良自遠託意在無窮

浮遊花

窗中斜日照池上落花浮若畏春風晚當思秉燭遊

芳林篇

柳惔

芳林謦兮發朱榮時既晚兮隨風零隨風零兮返無期

安得陽華遺所思

上林

梁昭明太子

千金駿褭騎萬斤流水車爭遊上林苑高蓋逗春華

夾樹

吳均

桂樹夾長歧復值清風吹氛氲採芳葉連綿交密枝能
迎春露點不逐秋風移願君長惠愛當使歲寒知

樹中草

梁簡文帝

幸有青袍色聊因翠幄凋雖間珊瑚蒂非是合歡條

欽定四庫全書

樂府詩集
卷七十七

同前

李白

鳥銜野田草誤入枯桑裏客土植危根逢春猶不死草
木雖無情因依尚可生如何同枝葉各自有枯榮

同前

張祐

青青樹中草託根非不危草生樹卻死榮枯君可知

城上麻

吳均

麻生滿城頭麻葉落城溝麻莖左右披溝水東西流少
年感恩命奉劔事西周但令直心盡何用返封侯

燕燕于飛

江總

燕燕詩曰燕燕于飛差池其羽之子于歸
遠送于野燕燕于飛蓋出於此按燕燕本
衛莊姜送歸妾之詩也若江總辭詠雙燕
而已

二月春暉暉雙燕理毛衣銜花弄
薤薤拂葉隱芳菲或在堂間戲多從
幕上飛若作仙人履終向日南歸

錦石擣流黃

隋煬帝

欽定四庫全書

樂府詩集
卷七十七

六

漢使出燕然愁閨夜不眠易製殘燈下
鳴砧秋月前今夜長城下雪昏月應暗
誰見倡樓前心悲不成慘

河曲遊

盧思道

鄴下盛風流河曲有名遊應徐託後乘
車馬踐芳洲手茸雞樹密遙裔鶴烟稠
日上疑高蓋雲起類重樓金羈自沃若
蘭棹成夷猶懸艷動清吹采菱轉豔謳
還珂響金埒歸袂拂銅溝唯畏三春晚
勿言千載憂

城南隅燕

盧思道

城南氣初新才王邀故人輕盈雲映日
流亂鳥啼春花飛北寺道絃散南漳濱
舞動淮南袖歌揚齊后塵駢鑣歇夜馬
接軫限歸輪公孫飲彌月平原讌決旬
即是消聲地何須遠避秦

喜春遊歌二首

隋煬帝

禁苑百花新佳期遊上春輕身趙皇后
歌曲李夫人步緩知無力臉慢動餘嬌
錦袖淮南舞寶林楚宮腰

春遊吟

李章

欽定四庫全書

樂府詩集
卷七十七

七

初春遍芳甸千里謁盈矚美人摘新英
步步玩春綠所思杳何處宛在吳江曲
可憐不得共芳菲日暮歸來淚滿衣

春遊樂

施肩吾

一年三百六十日賞心那似春中物
草迷曲塢花滿園東家少年西家出

同前二首

李端

遊童蘇合帶倡女蒲葵扇初日映城時
相思忽相見褰

裳踏露草理鬢回花面薄暮不同歸留情此芳甸

柘彈連錢馬銀鉤安墮鬟採桑春陌上踏草夕陽間意

合詞先露心誠貌卻閒明朝若相憶雲雨出巫山

春遊曲三首

張仲素

煙柳飛輕絮風榆落小錢濛濛百花裏羅綺競鞦韆

騁望登香閣爭高下砌臺林間踏青去席上意錢來

行樂三春節林花百和香當年重意氣先佔鬪雞場

樂府

古辭

欽定四庫全書

樂府詩集
卷七十七

行胡從何方列國持何來翟翟翟五木香迷迭艾蒨

及都梁

同前

魏明帝

種瓜東井上冉冉自踰垣與君新為婚瓜葛相結連寄

託不肖軀有如倚太山兔絲無根株蔓延自登緣萍藻

託清流常恐身不全被蒙丘山惠賤妾執拳奉天日照

知之想君亦俱然

同前二首

劉言史

花領紅駿一向偏綠槐香陌欲朝天仍嫌衆裏嬌行忌

傍韉深藏白玉鞭

噴珠團香小桂條玉鞭兼賜霍嫖姚弄影便從天禁出

碧蹄聲碎五門橋

同前

顧況

暖谷春光至宸遊近甸榮雲隨天仗轉風入御簾輕翠

蓋浮佳氣朱樓倚太清朝臣冠劍退宮女管絃迎細草

承雕輦繁花入幔城文房開聖藻武衛宿天營玉醴隨

欽定四庫全書

樂府詩集
卷七十七

觴至銅壺逐漏行五星含土德萬姓徹中聲親祀先宗

典躬推示勸耕國風新正樂農器近消兵道德關河固

刑章日月明野人同鳥獸率舞感昇平

同前

權德輿

光風澹蕩百花吐樓上朝朝學歌舞身年二八壻侍中

幼妹承恩兄尚主綠牕珠箔繡鴛鴦侍婢先焚百和香

鶯啼日出不知曙寂寂羅幃春夢長

同前三首

孟郊

蓮子不可得荷花生水中猶勝道傍柳無事一作時蕩春

風

綠萍與荷葉同此一水中風吹荷葉在綠萍西復東

蓮花未開時苦心終日卷春水一作徒蕩漾荷花未開

展

同前

陸長源

芙蓉初出水菡萏露中花風吹著枯木無奈值空槎

雜曲二首

王筠

欽定四庫全書

樂府詩集
卷七十七

鳥一作鳥還夜已逼蟲飛曉尚賒桂月徒留影蘭臺空結

花

可憐洛城東芳樹搖春風丹霞映白日細雨帶輕虹

同前

傅緯

新人新寵住蘭堂翠帳金屏玳瑁牀叢星不如珠簾色

度月還如一作似粉壁光從來著名推趙子復有丹脣發

皓齒一嬌一態本難逢如畫如花定相似樓臺宛轉曲

皆通絃管逶迤徹下風此殿笑語恒長芳傷省歡娛不

復同訝許人情太厚薄分明賦念能斟酌多作繡被為

鴛鴦長弄綺琴憎別鶴人今投寵要須堅會使歲寒恒

度前芳取辰星作心抱無轉無移千萬年

同前

徐陵

傾城得意已無儔洞房連閣未消愁宮中本造鴛鴦殿

為誰新起鳳凰樓綠黛紅顏兩相發千嬌百念情無歇

舞衫迴袖勝春風歌扇當窗似秋月碧玉宮妓自翩妍

絳樹新聲自一作最可憐張星舊在天河上猶來張姓本

欽定四庫全書

樂府詩集
卷七十七

連天二八年時不憂度傍邊得寵誰應一作相妬立春歷

日自當新正月春幡底頭故流蘇錦帳挂香囊織成羅

幌隱燈光只應私將琥珀枕暝暝上來珊瑚牀

同前三首

江總

行行春還靡蕪綠織素那復解琴心乍愜南階悲綠草

誰堪東陌怨黃金紅顏素月俱三五夫婿何在今追虜

關山隴月春雪永誰見人啼花照戶

殿內一處起金房併勝餘人白玉堂珊瑚挂鏡臨網戶

芙蓉作帳照雕梁
房櫳宛轉垂翠幕
佳麗逶迤隱珠箔
風前花管颺難留
舞處花鈿低不落
陽臺通夢太非真
洛浦凌波復不新
曲中唯聞張女曲
定有同姓可憐人
但願私情賜斜領
不願傷人相比並
妾門逢春自可榮
君面未秋何意冷

泰山言應可轉移
新寵不信更參差
含歡錦帶鴛鴦鳥
同心綺袖連理枝
皎皎新秋明月開
早露飛螢暗裏來
鯨燈落花殊未盡
虬水銀箭莫相催
惟非是神女期河漢

欽定四庫全書

樂府詩集
卷七十七

十三

別有仙姬入吹臺
未眠解著同心結
欲醉那堪連理杯
後宮不慚茱萸芳
夜夜爭開蘇合房
寶釵翠鬢還相似
朱脣玉面非一行
新人未語言如溫
新寵無前判不臧
願奉更衣蘭麝氣
恐君馬到自驚香

同前

王勃

智瓊神女來訪文
君蛾眉始約羅袖
初薰歌齊曲韻舞
亂行分若向陽臺
薦枕何啻得勝朝
雲

古曲

陳後主

桂鈎影桂枝開紫
綺袖逐風迴日明
珠色偏亮葉盡衫
香更來

同前

王褒

青樓臨大道遊俠
盡淹留陳王金被
馬秦女桂為鈎馳
輪洛陽巷關雞南
陌頭薄算風塵起
聊為清夜遊

同前五首

施肩吾

可憐江北女慣唱
江南曲搖落木蘭
舟雙鳧不成浴
郎為已上香妾為
籠上灰歸時雖暖
熱去罷生塵埃

欽定四庫全書

樂府詩集
卷七十七

十三

夜裁鴛鴦綺朝織
蒲桃綾欲試一寸
心待縫三尺冰
憐時魚得水怨罷
商與參不如山支
子卻解結同心
紅顏感暮花白日
同流水思君如孤
燈一夜一心死

樂府詩集卷七十七